



小兒諸  
後  
十



重刊太平惠民和劑局方卷之十

昆明朱 葵向之父閱  
冷城袁元熙汝和父較

小兒諸疾

**定命丹**

治小兒急慢驚風天吊撮口潮發搐搦癩  
癩壯熱昏塞不省

青黛 研半錢

天南星

炮壹分

蟾酥

乾者壹錢酒浸壹宿

乾蝎 微炒七

白附子

炮半分

麝香

研壹字

右細研令勻以粟米粥和圓如菉豆大別以青黛  
為衣每服一圓荆芥薄荷湯化下後困睡無疑但

有患者先化半圓滴入鼻中噴嚏者必瘥

八珍丹

治小兒驚風壯熱精神昏憤嘔吐痰涎驚悸恍惚或發癩瘕目睛上視

天麻

去芦

朱砂

飛研

牛膽製天南星

甘草

剉炒各五兩

雄黃

飛研

天漿子

微炒參百五十箇

膩粉

研各壹兩壹分

牛黃

研壹分

銀箔

七十片為二衣

右為細末入研藥勻煉蜜圓如豌豆大以銀箔為衣一歲兒每服一圓薄荷湯化下疾症未退可再服更量大小加減妳食後服

太一銀朱丹

治小兒驚風壯熱涎盛發癩手足搐

搦目睛上視及風壅痰實心膈滿悶嘔吐痰涎大

便秘澀

黑鈆

參兩煉十遍與水銀結砂子分為小塊

膩粉

研壹兩

水銀

結砂子參兩

鐵粉

參兩

朱研

飛研半兩

天南星

炮為末三分

右研麩糊圓如麻子大每一歲兒服一圓用薄荷蜜湯下微利為度未利再服並乳食後服

軟金丹

治小兒驚風壯熱多睡驚掣精神昏憤痰

涎壅塞手足搐搦目睛上視項背強硬牙關緊急寒食麩

七錢

青黛

細研

麝香

細研

胡黃連 未

史君子

堯墨 燒研

膩粉 各壹分

天漿子 七箇炒

右研勻白麩糊圓如小豆大每服一圓煎金銀薄荷湯化下五歲已上可服二圓更量大小虛實加減不拘時

**返魂丹**

治小兒諸風癩癩潮發瘰癧口眼相引項背強直牙關緊急目睛上視及諸病久虛變生虛風多睡昏困荏苒不解速宜服之

品味與第一卷諸風門烏犀圓同  
右如法修事搗研令細煉白蜜合和入酥再搗三

五千下圓如梧桐子大以金箔二十片爲衣每一歲兒一圓溫薄荷自然汁化下不拘時候

**鶴頂丹**

治大人小兒風壅痰實咽膈不利口乾煩渴睡卧不安及中暑頭痛躁渴不解

麝香 研式

朱砂 飛研百兩

甘草 剉炒爲末叁十五兩

牙硝 枯過研壹百

寒水石粉 壹百壹十兩

右合研勻煉蜜搜和每一兩二錢作十圓大人溫生姜水化下一圓如中暑入生龍腦少許同研新水化下小兒一圓分四服量大小加減治小兒臍藏積熱心神不寧夜卧狂叫口舌生瘡薄荷自然

汁化下並食後服

**至聖丹**

治一切驚風天吊目睛上視手足搐搦狀  
候多端用藥一圓溫水化滴鼻中令噴嚏三五次  
更用薄荷湯下二圓即愈如久患五疳腹脹頭大  
四肢瘦小好喫泥土不思飲食愛咬指甲時擗眉  
毛頭髮稀疏肚上青筋及久患瀉痢並用米飲下  
二圓如久患疳蛔咬心發歇疼痛並以苦練子煎  
湯下二圓如鼻下赤爛口齒疳蟲并口瘡等用兒  
所喫爛汁研二圓塗在患處疳眼雀自用白羊子  
肝一枚以竹刀子批開入藥二圓在內以麻縷纏

定用淘米泔煮熟空腹食之仍令乳母常忌毒魚  
大蒜鷄鴨猪肉等

青黛 研 胡黃連 末 雄黃 飛研各  
辰砂 飛研 膩粉 同水研 熊膽 用溫水化入藥  
蘆薈 壹分 龍腦 研 鈎霜 研  
蟾酥 各壹分 麝香 半分 白附子 炮貳錢  
水銀 壹錢 同研 不見星

右為細末入研藥勻用熬過犢猪膽汁浸蒸餅為  
圓如黃米大退驚治風化蟲殺疳除百病進乳食  
此藥若隔三兩日一服永無百病不染橫天之疾

定吐救生丹

治小兒伏熱生涎心膈煩躁壯熱霍亂乳食不下嘔噦惡心或發吐逆

- 山大戟漿水煮切焙為末 賦粉研
- 粉霜各七兩半 乳香別研 丁香為末各五兩
- 水銀 黑鉛與水銀同結 黃蠟各十兩半
- 龍腦研貳兩半

右合研令勻每鎔蠟一兩入蜜二錢半和為圓如黃米大每一歲兒服一圓如煩躁研生脂麻馬齒水下如吐逆煎丁香馬齒湯下更量虛實加減食後臨卧服此藥除熱化涎下膈止吐逆若胃虛傷

冷嘔吐不止者不可服凡小兒吐逆宜速療久不止為慢驚宜收此藥備急

五福化毒丹

治小兒蘊積毒熱驚傷狂躁頰赤咽乾口舌生瘡夜卧不寧譫語煩渴頭面身體多生瘡癩

- 玄參洗焙 桔梗各六兩 茯苓去皮五兩
- 人參去芦 牙硝枯過 青黛研各貳兩
- 甘草剉炒壹兩半 麝香研半錢 金箔
- 銀箔各八片為衣

右為細末入研藥勻煉蜜為圓每兩作十二圓

歲兒一圓分四服薄荷湯化下及瘡疹後餘毒上  
攻口齒涎血臭氣生地黃自然汁化一圓用鷄翎  
掃在口內熱痺肌肉黃瘦雀自夜不見物陳粟米  
泔化下食後臨卧服

**靈砂歸命丹**

治小兒蘊積邪熱潮熱不除頰赤口  
乾心膈煩躁痰涎不利睡卧不安或發驚癇涎潮  
搐搦又療積滯不消下利多白腹中疝痛煩渴嘔  
噦服此藥調種無不愈  
品味與第六卷積熱門妙香圓同

右以妙香圓一圓分作五十圓每服二圓用金銀

薄荷湯下更量歲數加減如驚癇搐搦用龍腦膩  
粉蜜湯下欲服此藥先以冷水浸少時服之見効  
尤速

**大天南星圓**

治小兒急慢驚風涎潮發搐目睛上  
視口眼相引牙關緊急背脊強直精神昏塞連日  
不省

滴乳香 研

龍腦 研

牛黃 研各壹錢

辰砂 研叁錢

天南星 先膽製者半兩

麝香 壹錢半研

天麻 去芦

人參 去芦

防風 去芦各壹分

乾蝎 十枚去腹內土微炒

右研杵令勻，煉蜜和圓，如大鷄頭大，每一圓荆芥薄荷湯化下，量兒大小以意加減，不計時候。

**五疳保童圓**

治小兒五疳，蓋其骨肉輕軟，腸胃微

細若乳哺有節，則藏腑自調。或乳母寒溫失理，飲食無常，醉飽喜怒，及小兒百晬以後五歲以前，乳食漸多，不擇生冷，好食肥膩甘酸之物，即成五疳。一曰肝疳，其候搖頭揉目，白膜遮睛，流汗遍身，合面，面臥，目中澁痒，肉色青黃，髮立，頭焦，筋青，腦熱，腹中積聚，下利頻多，久而不痊，轉甚羸瘦。二曰心疳，其候渾身壯熱，吐利無常，頰赤，面黃，胸膈煩滿。

鼻乾，心躁，口舌生瘡，痢久不痊，多下膿血，有時盜汗，或乃虛驚。三曰脾疳，其候腹多筋脉，喘促，氣麓，乳食不多，心腹脹滿，多啼咳逆，面色萎黃，骨立，毛焦，形枯，力劣，胸膈壅悶，水穀不消，口鼻常乾，好喫泥土，情意不悅，喜暗憎明，腸胃不和，痢多酸臭。四曰肺疳，其候咳嗽氣逆，皮毛乾焦，饒涕多，啼咽喉不利，揉鼻，咬甲，壯熱憎寒，口鼻生瘡，唇邊赤，痒腹內氣脹，乳食漸稀，大腸不調，頻頻泄痢，糞中米出，皮上粟生。五曰腎疳，其候肌肉消瘦，齒斷生瘡，寒熱作時，口鼻乾燥，腦熱如火，脚冷如冰，吐逆既增。



乳食減少瀉痢頻併下部開張肛門不收疳瘡痒痛並皆治療

胡黃連

青黛研

苦練根剉

雄黃研

夜明砂微炒

麝香研

青橘皮去白

黃連去鬚

天漿子微炒

蘆薈研

蝦蟇灰

蝸牛微炒

五倍子

熊膽研

白鱒魚炙令黃無即炒白蕪充代

龍膽去芦各壹兩 蟾頭壹枚炙令黃色

右為細末研令勻用糯米飯和圓如麻子大每二歲服一圓不計時候溫米飲下日連三服為妙

**熊膽圓**

殺疳退驚治壯熱昏憤嘔吐痰涎煩赤面黃鼻乾目澁有時盜汗或即虛驚荏苒不除乳食不進

不進

胡黃連末

熊膽研各貳兩

天漿子七箇

細墨燒淨半錢

寒食麩叁錢

青黛研壹錢

史君子七箇 麝香研壹分

右同研令勻用白麩糊和圓如黍米大每服五七圓米飲下不拘時

**虎睛圓**

治小兒驚風壯熱痰涎壅滯精神昏憤睡多驚啼或發搐搦目睛直視

天漿子 炒 十箇 青黛 研 兩 七 白附子 炮

麝香 研 天南星 炮 各 兩 參 天麻 去 苗

胡黃連 膩粉 研 天竺黃 研

茯神 去 木 各 兩 五 史君子 壹 百 箇 朱砂 水 飛 兩 貳

右為細末，麪糊圓，如梧桐子大，每一歲兒服一圓，薄荷湯化下，更量虛實，加減乳食後服。

**天麻防風圓**

治一切驚風，身體壯熱，多睡驚悸，手足抽掣，精神昏憤，痰涎不利，及風溫邪熱，宜用之。

天麻 去 芦 防風 去 芦 人參 去 芦 各 壹 兩 朱砂 飛 研 水 雄黃 研 麝香 研

甘草 炙 各 壹 分 乾蝎 炒 白殭蠶 炒 各 半 兩 牛黃 錢 壹

右為細末，煉蜜圓，如梧桐子大，每服一圓至二圓，薄荷湯化下，不拘時。

**化蟲圓**

治小兒疾病，多有諸蟲，或因藏腑虛弱而動，或因食甘肥而動，其動則腹中疼痛，發作腫聚，往來上下，痛無休止，亦攻心痛，叫哭，合眼，仰身，撲手，心神悶亂，嘔噦涎沫，或吐清水，四肢羸困，面色青黃，飲食雖進，不生肌肉，或寒或熱，沉沉嘿嘿，不的知病之去處，其蟲不療，則子母相生，無有休止。

鶴蟲去王 苦練根去浮皮 檳榔

胡粉炒各五兩 白礬飛枯十兩

右為末以麩糊為圓如麻子大一歲兒服五圓溫漿水入生麻油一兩點調勻下之溫米飲下亦得不拘時候其蟲細小者皆化為水大者自下

進食圓

治乳食不消心腹脹滿壯熱喘急嘔吐痰涎腸鳴泄瀉米穀不化或下痢赤白腹痛後重及食穢乳癖疔氣痞結並皆治之

巴豆霜半 當歸去芦米泔浸壹宿判碎微炒

朱砂細研水飛入 代赭石 枳殼去穰炒微黃

木香各半兩 麝香細研壹分

右為末入研藥勻麩糊為圓如麻子大每一歲兒服一圓溫米飲下更量虛實加減食後服

金箔鎮心圓

治小兒風壅痰熱心神不寧驚悸煩渴唇焦頰赤夜卧不安譫語狂妄

白茯苓去皮 人參洗去苗 甘草各五兩

山藥百五十兩 龍腦十兩 牙硝枯過一兩

朱砂研飛百兩 麝香五兩 紫河車用黑豆水煮熟軟切片焙乾

金箔一千二百一為衣

右為細末煉蜜為圓每十兩半作五十圓以金箔為衣每服一圓薄荷湯化下含化亦得食後臨臥常服安心鎮神散邪熱涼咽膈止驚啼

**北金圓**

治小兒驚風體熱喘瓮涎嗽心忪頰赤大小使不利夜卧不穩

膩粉 研

滑石 各十兩

天南星 炮 一兩

巴豆 七、百箇去皮取霜

青黛 貳兩半

右為細末麩糊為圓如麻子大每一歲服一圓薄荷溫水下如急驚風頭熱足冷口噤面青筋脉抽掣上膈頑痰疾壯甚者加一二圓煎桃符湯下疎

利下蘊毒熱涎立便安愈小兒瘡疹後餘毒不解宜食後服之

**香連圓**

治小兒冷熱不調泄瀉煩渴米穀不化腹痛腸鳴或下痢膿血裏急後重夜起頻併不思乳食肌肉消瘦漸變成疳

白石脂

黃連 去鬚 微炒 乾姜 炮

白礬

龍骨 各半兩

右為末醋煮麩糊為圓如麻子大每一歲兒服十圓米飲化下食前服如煩渴煎人參湯下更量兒大小以意加減日三四服

紫霜圓

治乳哺失節，宿滯不化，胸腹痞滿，嘔吐惡心，便利不調，乳食減少。又治傷寒溫壯，內挾冷實，大便酸臭，乳食不消。或已得汗，身熱不除，及變蒸發熱，多日不解，因食成癩。先寒後熱，並宜服之。

代赭石醋泮，細研，壹兩

巴豆叁十箇，去皮膜，出油，炒研

赤石脂為末，壹兩 杏仁五十箇，去皮尖，熬炒，別研

右合研勻，湯浸蒸餅圓，如黃米大。兒生三十日外，可服一圓，一歲至三歲，可服二圓，至三圓，乳汁送下。米飲亦得，微利為度。亦不虛人未利，再服更量。虛實加減，乳食後服。

開胃圓

治小兒腑臟怯弱，內受風冷，腹脇脹滿，腸鳴泄利，或青或白，乳食不化。又治藏冷，夜啼胎寒腹痛。

當歸剉微炒

蓬莪朮煨，乘熱剉 人參去

木香各半兩

白芍藥 麝香各壹分，細研

右為末，研勻，湯浸蒸餅和圓，如黍米大。每服十五圓，溫米飲下。新生兒腹痛夜啼，服五圓，並乳食前服。沒食子圓，治小兒腸虛受熱，下利鮮血，或便赤汁腹痛，後重晝夜不止，遍數頻多。

沒食子

地榆各半兩

黃連剉炒，壹兩半

黃蘗剉碎蜜炒 酸石榴皮壹兩

右為細末醋煑麩糊圓如麻子大每服十圓至二十圓温米飲下食前服

水銀褊圓子

治小兒驚風壯熱涎盛喘急或發搐

搦目睛上視及乳哺失節胸滿嘔逆精神迷悶發痲瘰癧並宜服之

- 鈎白霜研 膩粉 乾竭者全
- 青黛研 百草霜研 牛黃研各壹分
- 巴豆去皮膜醋煑 黑鈎同水銀結砂 水銀各壹兩
- 香墨燒泮叁錢 黃明膠炒令黃燥叁錢叁字

右為細末入研藥勻以陳粟米飯為圓如菉豆大  
 掉褊每一歲兒服一圓二歲服二圓三歲服三圓  
 四歲已上服四圓用乾柿湯下薄荷湯亦得更量  
 虛實加減服利下青粘滑涎為度乳食後服此藥  
 不得化破

牛黃膏

治驚化涎涼膈鎮心祛邪熱止痰嗽

- 人參去芦二兩 牙硝研水飛過十兩 甘草燼五兩
  - 蛤粉水飛貳兩 龍腦研四兩 雄黃研飛七兩
  - 牛黃二兩別研 朱砂研飛十兩 金銀箔金二百片銀二百片為一兩
- 右為細末煉蜜搜和每一兩八錢作二十圓以金

箔銀箔為衣一歲兒每服如菘豆大薄荷溫水化下量歲數臨時加減食後服

**金屑辰砂膏**

治小兒心經邪熱頰赤多渴睡卧不寧譫語狂妄痰涎不利精神恍惚及大人痰熱蘊積心膈煩躁咽喉腫痛口舌生瘡

牙硝

研

鐵粉

研各半兩

辰砂

研飛參兩

蛤粉

研飛八兩

龍腦

研貳錢

人參

去苜壹兩

甘草

炙貳兩

金箔

參十片為衣

右為細末煉蜜搜和每一兩半作二十圓捍褊用金箔為衣每服半皂子大大人一圓分作兩服並

用薄荷湯化下食後臨卧服

**潤肺散**

治小兒寒壅相交肺氣不利欬嗽喘急語聲不出痰涎壅塞胸膈煩滿鼻塞清涕吧喉乾痛

麻黃

去根節

人參

去苜各貳兩

阿膠

炒黃燥

桔梗

各半兩

甘草

炙壹兩

陳皮

去白一分

杏仁

湯洗去皮尖及雙仁者焙乾麩炒黃色

貝母

去心麩炒黃各貳兩半

**惺惺散**

治小兒風熱瘡痒傷寒時氣頭痛壯熱日澀多睡咳嗽喘瓮鼻塞清涕

人參

去苜

甘草

細辛

去葉

菘蕒根

茯苓皮去

白朮

桔梗各壹兩半

右爲末每服一錢水一小盞入薄荷三葉同煎至

四分溫服如要和氣卽入生姜煎服不計時

**人參羌活散**

治小兒寒邪溫病時疫瘡疹頭痛體

疼壯熱多睡及潮熱煩渴痰實欬嗽

羌活

獨活

柴胡各貳兩

人參去

芎藭

枳殼去穰炒

茯苓去

甘草各壹兩

桔梗

地骨用皮去土

前胡去

天麻酒浸各半兩

居方 卷之十 古

右爲散每服一錢水七分釧入薄荷少許煎至五分去滓溫服不計時候

**辰砂金箔散**

治小兒心膈邪熱神志不寧驚惕煩

渴恍惚忪悸夜卧不安譫語狂妄齒斷生瘡痰實

咳嗽咽膈不利

辰砂研飛七

桔梗兩五

甘草炙貳十

金箔貳百片

生腦子研

人參去

茯苓去

牙硝枯各叁

蛤粉研飛十

右爲末一歲兒每服半錢薄荷湯調下未滿百晝兒藏腑多熱睡卧不穩大便不利蜜湯調下



更量兒加減如大人小兒咽喉腫痛口舌生瘡每用少許摻在患處燕津立効大人膈熱每服一錢新水調食後臨卧服

**消毒散**

治小兒瘡疹已出未能勻透及毒氣壅遏雖出不快壯熱狂躁咽膈壅塞睡卧不安大便秘澀及治大人小兒上膈壅熱咽喉腫痛胸膈不利

荆芥穗壹兩

甘草貳兩

牛蒡子熅六兩

右為麤末每服一錢用水一盞煎七分去滓温服食後小兒量力少少與之如治瘡疹若大便利者不宜服之

**人參散**

調中和氣止嘔逆除煩渴治昏困多睡乳食減少及傷寒時氣胃氣不順吐利止後燥渴不解

白茯苓去皮

人參去芦各壹兩

乾葛貳兩

藿香葉

甘草多

木香各壹分

右為末每服一錢水一盞煎七分去滓放温服不可計時

**生犀散**

治小兒骨蒸肌瘦頰赤口乾日晚潮熱夜有盜汗五心煩躁四肢困倦飲食雖多不生肌肉及大病差後餘毒不解或傷寒病後因食羊肉體

熱不除並宜服之

地骨皮去土 秦艽去苗 黃耆

人參去土 鈴羊角鎊 大黃蒸切

鼈甲湯煮去裙爛塗醋炙黃 麥門冬去心

枳殼去穰炒 柴胡 茯苓去皮

桑白皮 芍藥赤者各等分

右為麤末每服二錢水一盞入青蒿少許煎至六分去滓溫服食後兒小即分為二服

**清涼飲子**

治小兒血脈壅實腑臟生熱頰赤多渴五心煩躁睡卧不寧四肢驚掣及因乳哺不時寒

溫失度令兒血氣不理腸胃不調或溫壯連滯欲成伏熱或壯熱不歇欲發驚癇又治風熱結核頭面瘡癩目赤咽痛瘡疹餘毒一切壅滯並宜服之

赤芍藥 當歸去片 甘草炙

大黃各等分

右為麤末每服一錢水一中盞煎至七分去滓溫服量兒大小虛實加減微瀉利為度食後臨卧服

**天竺飲子**

治大人小兒腑藏積熱煩躁多渴舌頰生瘡咽喉腫痛面熱口乾目赤鼻衄丹瘤結核癰瘡腫痛又治伏暑躁熱瘡疹餘毒及大便下

便赤澀

大梔子仁

微炒

連翹

各四兩

苳葶根

斤十

甘草

炙

川鬱金

用皂角水黃切作片焙乾各貳十兩

雄黃

飛研五兩

右為細末每服一大錢食後臨卧用新水調服小兒半錢臨時更量大小以意加減

**朱砂圓**

鎮心神化痰涎利咽膈止煩渴

梅花腦

研

麝香

研各半兩

腦子

研

牙硝

枯各壹兩

寒水石

燒赤四兩

甘草

五斤浸汁熬膏

鵬砂

研壹分

朱砂

研飛五兩

右研勻用甘草膏和每兩作一百圓每服一圓含化小兒夜驚啼薄荷水化下

**蘆薈圓**

治疴氣羸瘦面色萎黃腹脇脹滿頭髮作穗揉鼻咬甲好喫泥土利色無定寒熱徃來目澀口臭齒斷爛黑常服長肌退黃殺疴虫進乳

大皂角

乾蝦蟇

各等分同燒存性為末每壹兩入下項藥

青黛

研壹分

蘆薈

研

朱砂

研飛

麝香

研各壹錢

右合研勻用湯浸蒸餅和為圓如麻子大每三歲兒服二十圓不計時候温米飲下更量大小加減

**和中散** 治小兒脾胃不和嘔逆惡心冷熱不消減

食泄瀉腹痛腸鳴少力嗜臥

白朮參 乾姜炮 甘草炙各

厚朴去皮姜製六兩

右為末每服一錢水八分生姜二片煎六分去滓

稍熱服乳食前服

**人參半夏圓** 治肺胃受冷咳嗽氣急胸膈痞滿喉

中呀呷嘔吐涎沫乳食不下

半夏湯洗七次切焙 厚朴去蘆皮姜汁炙 丁香各四

陳皮去穢 人參去苗 細辛去苗各

右為細末用生姜汁打麩糊為圓如麻子大三歲

兒每服二十圓生姜湯下食後服量兒大小加減

**辰砂半夏圓** 治小兒肺壅痰實欬嗽喘急胸膈痞

滿心忪煩悶痰涎不利呀呷有聲

五靈脂微炒用酒 朱砂研飛各

半夏湯洗七次 杏仁湯洗去皮尖及雙仁

芫薺水淘洗煎乾別

右為末入研藥勻以生姜汁煮麩糊和圓如小麻

子大每服五圓至七圓淡生姜湯食後下

**丁香散** 治胃虛氣逆嘔吐不定精神羸困霍亂不

安

藿香葉

丁香 各壹

人參 去芦 半兩

右件同杵羅為末每服一錢水半盞煎五七沸入乳汁少許去滓稍熱時服不計候

大神丹

治小兒疳氣羸瘦藏腑怯弱泄利虛滑乳食減少引飲無度心腹脹滿

肉豆蔻 去

丁香

木香

取出

使君子 用

訶子

蘆薈 細研壹兩入藥

右件同杵羅為細末以棗肉和圓如麻子大每服

五圓至七圓溫米飲下乳食前服

六一丹

治小兒諸風驚癇潮熱搐搦口眼相引項背強直精神昏困痰涎不利及一切虛風並治之

白附子

炮叁錢半 乾蝎 微炒 錢半

烏蛇

酒浸炙去皮骨

天南星

炮各錢半 僵蠶 去絲嘴 炒四錢

附子

炮去皮臍

天麻

去苗酒 浸壹宿

麻黃

去根節 各半兩

已上為末水一升調浸三日以寒食麩一斗拌勻踏竹麩須六月六日以楮葉蓋七月取出逐片用紙袋盛掛當風十四日可用每麩末一兩入下藥

琥珀

研壹錢

辰砂

研飛 六錢

雄黃

研飛 叁錢

甘草炙半錢 爲末

右合研煉蜜圓如鷄頭大每服一圓溫水化下不計時

大驚圓

治驚風諸癇壯熱昏憤神志恍惚痰涎壅塞或發搐搦目睛直視並皆治之

青礞石研

雄黃研飛各壹錢

朱砂研飛叁錢

鐵粉研貳錢半

蝦蟇灰壹錢

蛇黃火煨醋淬九次研飛貳錢

右研勻以冰浸蒸餅圓如梧桐子大每一圓煎薄荷水煎剪力股化下日二三服此藥治驚化涎不用銀粉小兒藏臍口齒腸胃柔弱凡用銀粉藥切

須慎之則無他苦

睡驚丹

治小兒驚邪風熱痰壅咽膈不利夜卧不安睡中啼哭驚風搐搦常服安神鎮心定驚控痰

使君子仁

茯苓去皮

蛇黃火煨紅米醋淬五遍再將醋煮

乾爲度

天南星

研爲末用薄荷汁搜和爲餅炙熟

鐵粉並搗羅爲末 各秤半斤

腦子別研半兩

麝香別研壹兩

銀箔研

金箔各壹百片

右前後藥末合研勻糯米糊爲圓如皂莢子大朱砂爲衣用薄荷湯磨下五歲兒一圓分二服三歲已下兒一圓分三四服更量歲數加減

史君子圓

治小兒五疳脾胃不和心腹膨脹時復

疔痛不進飲食漸致羸瘦並宜服之

厚朴

去麤皮製陳皮

川芎

各壹分

史君子仁

湯浸去黑皮壹兩

右為細末煉蜜圓如皂角子大三歲已上一粒三

歲已下半粒陳米飲化下大治小兒腹痛

加減四君子湯

調理小兒諸疾和胃調心怡神養

氣

白茯苓

人參

白朮

各壹兩

甘草

炙半兩

右為末每服一錢鹽湯調服或吐咀姜棗煎尤妙  
常服調氣加山藥吐瀉腹痛煩渴加黃耆白朮豆  
霍香乾葛和氣加生姜心神不定加辰砂棗子心  
忪心煩心神不定加茯神驚啼手足瘳瘳睡卧不  
安加全蝎鈞藤白附子脾虛胃弱生風多困加半  
夏麴沒食子冬瓜仁發渴加乾葛木瓜枇杷葉去  
毛煩渴加黃耆胃冷嘔吐涎沫加丁香嘔逆加藿  
香脾胃不和倍加白朮姜棗脾困加人參木香縮  
砂仁脾弱腹脹不思飲食加菟豆粟米傷食加炒  
神麴胸滿喘急加白豆蔻涎嗽加杏仁桑白皮半

夏麴風壅邪熱加生姜荆芥經絡蘊熱頭面生瘡  
 加瓜根桔梗有寒及遇天寒發熱去瓜根桔梗瘡  
 疹已出未出大便閉澀發渴加瓜根勞熱往來加  
 川芎盜汗加陳浮麥虛汗多夜喘加犀角麥門冬  
 小腑赤澀加麥門冬大腑閉去白朮加陳皮溫中  
 和氣止瀉加陳皮棗子吐逆四肢厥逆腦門低陷  
 加藿香丁香吐利過多脾胃虛乏欲生風候加白  
 附子泄瀉加陳皮製朴姜棗大腑瀉痢加炒罌粟  
 赤痢加赤芍藥當歸粟米白痢加炮姜粟米藏腑  
 滑泄加煨訶子肉

**肥兒圓**

治小兒疳病者多因闕乳食喫太早所致  
 或因久患藏腑胃虛蟲動日漸羸瘦腹大髮堅不  
 能行步面黃口臭發熱面無精神此藥殺蟲進食

肉豆蔻麩裹煨 史君子去皮 麥蘖炒各五兩  
 黃連去鬚 神麴炒各十兩 檳榔不見火  
 木香各貳兩

右為細末猪膽為圓如粟米大每服三十圓量歲  
 數加減熟水下空心服一方黃連神麴史君子各  
 一兩檳榔肉豆蔻各半兩木香二錢麴糊圓如蘿  
 蔔子大熟水下



至聖保命丹

治小兒胎驚內吊腹肚堅硬目睛上視手足抽掣角弓反張但是涎痰壅盛一切急慢驚風悉能治之

白附子

麝香 研

天南星 炮

蟬蛻 去玉

白僵蠶 去絲 炒

朱砂 研各 壹錢

防風 去芦 義

天麻 各貳 錢

全蝎 十四 箇

金箔 十 片

右為細末入研藥和勻以粳米煮飯取中心軟者搜和圓每兩作四十圓初生兒半圓乳汁化下十歲兒一圓金銀薄荷湯化下十歲已上有急候者

二圓薄荷湯化下常服鎮心安神化痰除一切驚風證候

揆積圓

治小兒脾胃不和宿滯不化腹脹腸鳴嘔逆惡心便利不調乳食減少或泄瀉積瀉大便酸臭亦治丈夫婦人胸膈不快酒積食積嘔逆惡心吐瀉脾疼

丁香皮 不見 天

京三稜 炮各 參兩 青皮 去 白

丁香 各壹 兩

巴豆 去皮 膜油 乾姜 炮各貳 錢半

右件為細末入巴豆拌勻麪醋糊為圓如粟米大每服五十圓至六十圓二歲兒可服七圓至十圓

生姜湯吞下熟水亦得不拘時候更量兒歲數加減與之此藥不用大黃礞砂汞粉之類並是性溫之藥常服消積滯進乳食退黃長肌

**急風丹**

治小兒傷風鼻塞清涕酒調塗顛門上不

**助胃膏**

治小兒胃氣虛弱乳食不進腹脇脹滿腸鳴泄瀉嘔乳便青或時夜啼胎寒腹痛

- 橘紅去白 山藥各四兩 甘草
- 白木 白茯苓去皮 縮砂仁
- 藿香用葉 官桂去麋皮 肉豆蔻煨

- 人參 木香 丁香

白豆蔻仁各壹兩

右為細末煉蜜和成膏每服如鷄頭實大一圓量兒大小加減米飲化下不拘時候

**觀音散**

治小兒外感風冷內傷脾胃嘔逆吐瀉不進乳食久則漸漸羸弱大抵脾虛則瀉胃虛則吐脾胃俱虛吐瀉不已此藥大能溫養脾胃進美飲食

- 石蓮肉炒去心壹分 人參去芦壹兩
- 神麴炒貳錢 茯苓壹錢半 甘草炙

木香 炮

綿耆

白扁豆

去皮炒令焦黃去火毒

白芷

各壹錢

右為細末每服一錢水一小盞棗一枚藿香三葉煎四分去滓温服量兒大小加減

**小抱龍圓**

治傷風瘟疫身熱昏睡氣喘滿痰實

壅嗽及驚風潮搐蟲毒中暑並可服之壯實小兒宜與服之

天竺黃

壹兩

雄黃

水飛 貳分

辰砂

麝香

各半兩 別研

天南星

臘月醃黃牛膽中陰乾百日四兩如無只以生者去皮臍剉炒令熟用

右為細末煮甘草水和圓如皂角子大每服一圓

温水化下百晷內者作三服或用臘雪水者甘草和藥尤佳

**釣藤膏**

治小兒胎寒胃冷腹肚疔痛夜間啼哭嘔

吐乳食大便瀉青狀若驚搐時有冷汗

木鼈子

貳十箇 去油研

木香

沒藥

別研

乳香

別研各四錢

姜黃

貳錢

右為細末練蜜和成膏每服三錢兒一圓如鷄頭實大煎釣藤湯化下更量大小加減不拘時候

**蚶蚧圓**

治小兒五疳八痢乳食不節寒温調適乖

違髮豎毛焦皮膚枯悴脚細肚大顛解胸陷漸覺  
 疳羸時發寒熱盜汗欬嗽腦後核起腹內塊生小  
 便淋濁膿痢澀青搏眉咬指喫土其酸吐食不化  
 煩渴併頻心神昏瞶鼻赤唇燥小蟲既出蚶蟲咬  
 心痒眼雀目名曰丁奚此藥救療効驗如神

白蕪荑去

黃連去

蚶酒浸去

胡黃連各壹兩半

青黛半兩

右件為細末猪膽汁麩糊圓如粟米大每服三十  
 圓用飯飲吞下食後臨卧日進三服

**高良姜散**

治小兒冷傷脾胃不和腹脹氣悶不欲

飲食

草豆蔻去

陳皮去白

肉桂去

高良姜剉

當歸微炒各壹分

人參去苦半兩

右為散三歲兒每服一錢水一盞煎至五分去滓  
 温服不計時候量兒大小加減服之

**人參圓**

治小兒乳哺飲冷過度傷冷脾胃腹脇脹

滿多吐痰涎

人參去

陳皮去

乾姜炮

丁香

白朮各壹分

半夏湯洗七次半兩

右為細末煉蜜圓如麻子大每三歲兒服十圓温

湯下不拘時日二服量兒大小加減

**溫脾散**

治脾胃氣不和腹脇虛脹不欲乳食困倦無方壯熱增寒並皆療之

茯苓去皮

木香

黃耆

桔梗

陳皮去皮

藿香去梗

白朮各半兩

甘草炙壹分

人參去芦

訶梨勒皮焙各叁分

右為散三歲兒每服一錢水一盞生姜錢子六片淮棗一枚同煎至五分去滓溫服不計時量兒大小加減

**白豆蔻散**

治小兒脾胃不和增寒壯熱腹痛嘔吐不納乳食

乾木瓜

人參去芦

黃耆各半兩

芎藭

白豆蔻去皮

陳皮去白

枇杷葉去毛炙微黃

甘草炙各壹分

右為散三歲小兒每服一錢水一盞生姜錢子三片棗一枚同煎七分去滓溫服不計時量兒大小加減

**當歸圓**

治小兒冷熱不調大便青黃心腹多痛或腹中氣滿或時嘔逆不欲乳食

當歸

去苗 微炒

芍藥

白者

人參

去芦 洗

芎藭

各叁分

甘草

多

白朮

各半 兩

右為細末水煮麩糊圓如麻子大三歲小兒每服十圓粥飲下日三服更量兒大小加減

**厚朴散**

治小兒外感風冷壯熱增寒頭痛體重中

寒氣逆嘔吐惡心或手足厥冷及脾胃不和並皆

治之

厚朴

去皮 姜汁炙

陳皮

去白

蒼朮

米泔浸壹宿去黑皮焙各壹兩

乾姜

炮叁分

甘草

炙半兩

右為細末三歲小兒每服一錢水一小盞入生姜

錢二片棗子一枚同煎至五分去滓熱服

**柴胡散**

治小兒傷寒壯熱頭痛體疼口乾煩渴

赤芍藥

石膏

甘草

炙

黃芩

葛根

麻黃

去根 節

柴胡

去苗各半兩

右為散三歲小兒每服一錢水一小盞入生姜少許蔥白三十豉二十粒同煎至五分濾去滓溫服不計時候汗出為效量兒大小加減

**葛根散**

治小兒傷寒四肢煩熱頭疼體痛心躁口

乾發渴

麻黃去根節

人參去苗

葛根各半兩

肉桂

去皮

甘草

炙各一分

右為麤散三歲兒每服一錢水一小盞入生姜少許棗一枚同煎五分濾去滓溫服量兒大小加減不計時候

**人參散**

治小兒傷寒作熱常服調順陰陽和養脾胃定吐逆止煩渴

品味與前人參散同

右為散三歲兒每服一錢水一小盞煎五分溫服量兒大小加減

**豆蔻香連圓**

治小兒乳食不節腸胃虛弱冷熱之氣客於腸間下赤白痢腸內疴痛日夜頻併不欲食飲量大小加減服之

黃連分叁

丁香分一

肉豆蔻仁貳枚

木香

訶黎勒

炮去核各半兩

右為末以粟米粥和圓黍米大三歲兒服十圓粥飲下

**木香白朮散**

少漸至羸瘦

治小兒冷痢腹痛四肢不和飲食減

訶黎勒

炮去核

當歸

炒

厚朴

去麤皮姜汁炙

龍骨各半兩 白朮各壹分

乾姜炮

木香

右爲散三歲小兒每服一錢以水一小盞入棗二枚同煎至五分去滓溫服食前量兒大小加減

**龍骨圓**

治小兒久患赤白痢日夜頻併腹痛羸弱不

欲飲食

訶梨勒火炮去核 黃連去鬚微炒 黃蘗微炒

木香 白龍骨各一分 當歸去苗微炒

白礬研枯 乾姜炮各半兩 胡粉微炒三分

右爲末煉蜜和圓如菉豆大三歲兒每服十圓溫

粥飲下日三服量兒大小臨時加減

**散**

治小兒下痢後津液減少藏腑虛燥煩渴引飲及治諸病煩渴引飲無度

烏梅肉微炒半兩 白茯苓 乾木瓜各壹兩

右爲散三歲兒每服一錢水一盞入生姜錢一錢煎至五分去滓溫服不計時候量兒大小加減

**白及散**

治小兒腎氣不成髓不足小兒年大骨應谷而不合頭縫開者是也宜以藥塗之

白及 防風去 細辛去

栢仁各壹兩



右為細末每用一錢以乳汁調塗在兒顱骨上每日一次用之

**附子散**

治小兒大腸虛冷肛門脫出多因下痢得

乏宜以藥塗

附子

生去皮臍

龍骨

各壹兩

右為細末每用一錢塗在脫肛上按令入頻用之

**赤石脂散**

治小兒因痢後體氣下推出肛門

伏龍肝

赤石脂

等分

右各細研為末每用半錢傳腸頭上每日三上

**藥黑散**

治小兒斷臍後為水濕所傷或襁褓濕氣

傷於臍中或解脫風冷乘攻令小兒四肢不和臍腫啼哭不能乳哺宜速治之

釜下黑煤

黃蘗末

亂髮

淨洗燒為灰各等分

右同研令細每用少許傳之

**半夏散**

治小兒欬逆上氣心胸痰壅不欲乳食

五味子

揀淨

紫苑

去苗洗

半夏

湯洗七次

甘草

炙各五兩

肉桂

去各厚皮

細辛

去苗各貳兩半

右為細末三歲兒每服一錢水一盞入生姜一片煎至五分去滓溫服不計時候量兒大小加減服

**朱礬散**

治小兒初生鵝口其舌上有白屑如米屑

者鼻外亦有并不能乳

朱砂研細 白礬枯各等分

右研極細每用少許傅兒舌上每日三次用之先使亂髮頻措舌上垢令淨即差

**紫蘇子散** 治小兒啼氣未定與乳飲之與氣相逆氣

不得下

紫蘇子微炒 人參去苗 訶黎勒皮

杏仁去皮尖炒 蘿蔔子微炒 木香各半

青皮去白 甘草微炙赤

右為散每服一錢以水一盞入生姜錢少許同煎

至五分去滓溫服不計時候量兒大小加減

**犀角人參散** 治小兒虛熱及吐瀉煩渴不止及疎

轉後並宜服

人參去若 茯苓去 生犀銹

甘草燼 桔梗 乾葛各

右為細末每服一大錢水一中盞入燈心五莖同煎六分放溫服不計時候煩渴者入新竹葉同煎

**益黃散** 治小兒脾胃虛弱腹瀉泄痢不思乳食嘔

吐不止困乏神懶心脇膨脹顏色青黃慳慳不醒

丁香四錢 陳皮去白 青皮去白

訶子炮去核 甘草壹兩

右為細末每服一大錢水七分盞煎至五六分食前進量大小加減與服此藥極有神効不可盡述

錢氏白朮散

治小兒脾胃久虛嘔吐泄瀉頻併不止津液枯竭煩渴多躁但欲飲水乳食不進羸困必乃因而失治只成風癩不問陰陽虛實並服之

茯苓白者去皮 人參去 白朮不見  
藿香去土 木香不見 甘草壹兩  
乾葛兩

右為糞末每服一錢水一盞煎半盞去滓通口服

不拘時更量兒大小加減渴甚者併煎任意飲之

全竭觀音散

治證與前觀音散同

全竭 甘草多 防風去  
黃耆提盧蜜 白芷 木香炮  
天麻去苗 羌活去苗各壹兩 神麴炒貳  
茯苓去皮壹兩 人參去 石蓮肉炒去  
白扁豆炒各貳兩半

右為細末嬰兒一字二三歲半錢四五歲一錢用水一盞或半盞棗子半箇或一箇同煎七分去滓服不拘時

鎮心至寶丹

治小兒一切驚風搐搦壯熱涎多魚

口鷓聲眼睛直視

白附子炮 雄黃研 天南星煨

乾蝎各半 白僵蠶去絲 鬱金各壹

龍腦 麝香各研 滑石末兩

膩粉錢 辰砂研壹

右為末煉蜜為圓如皂莢子大，金銀箔為衣，每服一圓，食後臨卧薄荷湯下，常服鎮心神涼，咽膈。

小黃連阿膠圓

治小兒乳食無度，冷熱不調，下痢赤白，或如魚腦，白多赤少，後重腹痛，煩渴引飲，小

便不利，便圇頻數，食減，少力。

肉豆蔻 茯苓去皮 訶子炮，去核

黃連去鬚，微炒

右為細末，用阿膠一兩醋煎溶，搜為圓如粟米大，每服一歲兒十粒，至十五二十粒，用溫飲下，隨乳

亦得更量歲數加減，服不計時候。

蛇頭圓

治小兒急慢驚風，手足抽掣，眼睛直視，角

弓反張，證候危急者。

蛇含石十箇，煨，三度醋洗，却用甘草湯煮出酸氣，研飛為細末

蝎梢 五靈脂酒浸飛，去沙石

神砂研

鐵膩粉

白附子

鬱金

炮各

龍腦

別研

麝香

研壹

花蛇頭

十箇酒浸去骨

用齒并白肉佳

右為細末麪糊為圓如鷄頭大每服一圓薄荷自然汁磨以井花水化開量兒大小加減與服

五疳消食圓

治小兒五疳八痢殺腹藏蟲療痔勞

及走馬牙齒唇爛肚大青筋此藥大能進食色長肌膚

史君子

去皮炒

麥蘖

黃連

去鬚微炒

草龍膽

蕪荑

橘紅

焙各等分

右為細末粟米糊為圓如粟米大每服一三三十圓空心米飲吞下不拘時候量兒歲數加減

麥煎散

治小兒夾驚傷寒吐逆壯熱表裏不解氣

麤喘急面赤自汗或在言驚叫或不語無汗及癩疹遍身赤痒往來潮熱時行麻豆疹子餘毒未盡渾身浮腫痰涎咳嗽或變急慢驚風手足搐搦眼目上視及傷風涎喘頭疼並治

地骨皮

煉

芍藥

赤者

滑石

石膏

白茯苓

去皮

杏仁

去皮尖

知母

甘草

炙

葶藶子

人參

去芦各半兩 麻黃 去根節壹兩半

右為細末每服一錢麥子煎湯調下如初生孫兒感冒風冷鼻塞身熱噴嚏多啼每丁字許並用麥子煎湯下

**辰砂夜神膏**

治小兒急慢驚風潮涎搐搦手足抽

掣心膈煩躁及療驚啼睡不寧帖腹中疴痛

代赭石

燒醋研淨去 酸棗仁

乳香 各壹兩

茯神

去木壹兩 朱砂 研飛半兩

麝香 研壹錢

右為細末煉蜜圓如鷄頭大每服一圓用金銀薄荷湯研下更量歲數加減與服常服鎮心安神定

志此藥比眾驚藥大小同溫平不冷

**秘傳神仙消痞圓**

治小兒一切痞疾皆因寒溫不

調乳哺失節或啖生冷菓子粘食等物脾胃微弱不能消化致五藏不利三焦壅滯結塊腹內堅硬如石或發作寒熱有如瘧證不能飲食漸至羸瘦急宜服之

班猫

貳十箇去頭足翼用糯米半升同炒候米焦黃色為度去米不用

巴豆

貳十粒取霜

右先將班猫為末却入巴豆霜同研令勻用米糊為圓如小菉豆大小小兒三歲已前每服三圓五更

初茶清下更量歲數虛實加減與服神妙

**小駐車圓**

治小兒冷熱不調或乳哺失節泄瀉不止或下痢鮮血或赤或白少腹痛後重腸胃虛滑便數頻併減食困倦一切瀉痢並宜服之

當歸

去苦  
貳兩

黃連

去  
貳兩

乾姜

炮各  
叁分

訶子

炮去核  
壹兩

右為細末用阿膠一兩三分水煎成汁搜和為圓如粟米大每一歲兒服十粒至二十三十粒溫米飲下隨乳亦得更量歲數加減與服

**銀白散**

治小兒百病

升麻

茯苓

知母

菡豆

白者  
炒

山藥

人參

甘草

炙

白朮

各等  
分

右為細末每服一錢如慢驚搐搦加麝香飯飲調下急驚定後用陳米飲調下驚吐不止丁香湯調下天柱倒脚軟濃米飲調下夾驚傷寒薄荷蔥白湯調下疳氣肚脹氣急多渴百合湯調下渾身壯熱面赤驚叫金銀薄荷湯調下赤白痢不思乳食姜錢三片棗子三枚煎湯調下喫食不知飢飽不長肌肉炒麥牙一撮同生姜煎湯調下暴瀉紫蘇

木瓜湯調下神形脫言語不正及大人吐瀉藿香湯調下諸病後無精神少氣力不思食煎生姜棗湯調下稟受氣怯小兒可每日一服最妙常服沸湯點不計時

**蝦蟆圓**

治小兒五疳八痢腹脹面黃肌膚瘦瘠時作寒熱不思乳食愛喫泥土揉鼻咬指甲頭髮作穗不長肌肉多生瘡癬大便無時小便如泚嘔吐乳食痢色無定或喫交妳漸黃漸瘦變成疳疾並宜服之

史君子炒

皂角燒

蝦蟆各十貳兩

龍膽草去苗

青黛研

雄黃研

雄黃研

右為末入研藥令勻水糊為圓如粟米大每一歲兒七粒二歲十粒三歲二十粒隨乳下飯飲亦得不計時候

**磨積圓**

治小兒藏腑怯弱內受積冷脇肋脹痛嘔吐痰逆腸鳴泄瀉日夜頻併四肢困倦面無顏色肌肉消瘦不進飲食及疳氣羸瘦肚大青筋口乾煩渴小便白濁食不生肌或發虛腫寒熱往來或因食甘肥蟲動作痛叫哭合眼並能治之

京三稜炮

青皮去白

蓬朮斤半



乾漆炒 丁香各壹兩

石為末水糊為圓如粟米大每二歲兒每服五圓淡姜湯吞下不拘時候更量歲數虛實加減與之

**龍膽圓** 治疳病發熱

龍膽草去苗 史君子去皮炒 黃連去鬚炒  
青皮去白各等分

右為細末猪膽汁和為圓如蘿蔔子大每服二十粒以意加減臨臥熟水下

**防風導赤散** 治小兒初驚

生乾地黄 川木通 防風

甘草各等分

右生用咬咀每服三錢水一盞竹葉少許同煎

**寧神膏** 後用此藥

麥門冬去心半兩 麝香壹分 朱砂各壹兩 茯神

右碾細煉蜜為小餅子每服一餅臨睡同薄荷湯化服一夜一服嘗有二老醫云小兒驚搐多是熱證若首先用驚風藥白附子全蝎

蠲蠶川烏之類便成壞證後有醫幼科驚藥只用導赤散加北防風進一二服導赤心經邪熱其搖隨手便止次服寧志膏神效

**天神圓** 治小兒諸疳神效

木香 濕氏帶 裹煨 黃連 去鬚 神麴 炒

川練子肉 蕪荑 麥蘖 炒

右等分爲細末，攪猪膽蒸熟爲圓，如麻子大，每服三四十圓，量兒大小加減，不飢不飽服。

**褐圓子** 治傷食膨脹

蘿蔔子 炒 莪朮 炮各壹斤 胡椒 兩

右爲末，糊圓，葉豆大，每服十五圓，不拘時煎，蘿蔔子湯下。

**傳延膏** 治鵝口木舌

黃丹 鐵粉

右爲末，用蜜調，蒸兩次，睡時以鵝毛傅舌上。

諸湯

**豆蔻湯** 治一切冷氣心腹脹滿，胸膈痞滯，噦逆嘔

吐泄瀉，虛滑水穀不消，困倦少力，不思飲食。

肉豆蔻仁 麩裏煨 甘草 炒

白麩 炒 丁香枝杖 七斤 鹽 炒

右爲末，每服一錢，沸湯食前點服。

**木香湯** 治胸膈痞塞，心腹刺痛，脇肋脹滿，飲食減

少噫氣，吞酸嘔逆，噎悶一切氣疾，並治之。

木香 青皮 各叁斤 蓬莪朮 四斤

六八〇

麥蘖炒

姜黃各五斤

甘草炒

鹽炒各十壹斤

右為末每服一錢沸湯點服不計時候

**桂花湯**

治一切冷氣心腹刺痛胸膈痞悶脇肋脹滿嘔逆惡心飲食無味

桂心

甘草炒各六斤

縮砂仁叁斤十斤四兩

乾姜炮九兩

鹽炒十斤四斤

右為末每服一錢沸湯食前點服

**破氣湯**

治一切冷氣攻心腹脇肋脹滿刺痛噫氣吞酸嘔逆惡心胸膈噫塞飲食減少

草澄茄

良姜

姜黃

木香各六兩

陳橘皮

茴香揀淨炒

青皮各十貳兩

甘草炒八斤半

丁香皮九兩

杏仁去皮尖搗桂心各壹斤

鹽炒十斤四斤

右為末每服一錢沸湯點服食前服

**玉真湯**

治一切冷氣痰逆惡心胸膈痞悶臍腹撮痛口苦無味飲食不美

阿魏麩裏煨

茴香揀淨炒各三斤

胡椒九兩

白麩炒六兩

甘草炙十兩

鹽炒貳十叁斤半

乾姜炮壹斤

檀香壹斤半

白粳米炒壹斗六升

杏仁

去皮尖，麩炒別搗三斤十二兩

右為末每服一錢沸湯點服食前

**薄荷湯**

消風壅化痰涎治頭昏目眩鼻塞咽乾心  
胸煩悶精神不爽

縮砂仁

兩

苳蕪根

十一兩

甘草

炒剉四斤

鷄蘇葉

七斤半

荆芥穗

半斤

鹽

炒各三斤

右為末每服一錢沸湯點食後服

**紫蘇湯**

渴

調氣利膈消痰止咳治心胸煩悶口乾多

紫蘇葉

六斤

甘草

炒

鹽

炒各十斤

烏梅

去核微炒九斤

杏仁

去皮尖，麩炒三斤別搗

右為末每服一錢沸湯點不計時候

**棗湯**

治脾胃不和乾嘔惡心腹脇脹滿不與飲食

生姜

洗切五斤

甘草

炙剉三兩

棗

去核壹斤

右一處拌勻用盆器盛貯以布蓋罨一宿焙乾搗

為末每服一錢入鹽少許沸湯點服常服健脾胃

順氣進食

**二宜湯**

治胃暑引飲冷熱不調泄瀉多渴心腹煩

悶痢下赤白腹痛後重

乾姜

炒四斤

甘草

砂炒叁斤

杏仁

去皮尖砂炒研

桂心

各四斤

右為末每服一錢沸湯點服如傷暑煩渴用新水調下不計時候

**厚朴湯**

治脾胃虛冷腹痛泄瀉胸膈痞悶脇肋脹滿嘔逆惡心不思飲食

丁香皮

兩八

棗

六斤

厚朴

去麩皮子一斤

丁香

枝十

鹽

十斤

甘草

十斤

右為末每服二錢水一盞生姜三片棗二枚同煎七分熱服常服溫中順氣進飲食每服一錢沸湯點食前服亦得

**五味湯**

溫中益氣治胃腸痞滿心腹刺痛短氣噎悶咳嗽唾痰嘔逆惡心不思飲食

五味子

洗九斤

茴香

炒

良姜

陳皮

各壹斤半

甘草

炒十七斤

鹽

炒貳斤

右為末每服二錢沸湯點食前服

**仙木湯**

辟瘟疫除寒濕溫脾胃進飲食

乾姜

炮貳十兩

棗

去核貳斗四升

杏仁

去皮尖炒別搗六斤

甘草

炙十斤

鹽

炒貳十斤

蒼朮

去皮四十八斤

右為細末入杏仁和勻每服一錢沸湯點服食前常服延年明目駐顏輕身不老

杏霜湯

調肺氣利胸膈治咳嗽止痰逆

粟米

炒壹斗 鹽炒十斤

杏仁

去皮尖炒十斤

甘草

炒十斤半

右為末每服一錢沸湯調服不計時候常服悅澤顏色光潤皮膚

生姜湯

治酒食所傷心胸煩滿口吐酸水嘔逆不足飲食無味胸膈不快

乾生姜

斤貳

鹽

炒貳斤半

杏仁

去皮尖炒十斤

白麩

炒叁斤

甘草

炒叁斤

右為末每服半錢如茶點喫常服一字消食化痰

寬利胸膈不拘時候

益智湯

治一切冷氣嘔疾惡心膈腹脇肋脹滿刺痛胸膈痞悶飲食減少常服順氣寬中消宿冷調脾胃

脾胃

益智仁

四斤半

乾姜

炮叁兩

甘草

炒十斤

鹽

炒十六斤半

京三稜

煨乘熱搗壹斤半

陳皮

青皮

蓬莪茂

各十斤

右為細末每服一錢沸湯點服不拘時候

茴香湯

療元藏氣虛冷膈腹脹滿疔刺疼痛不思飲食一切冷氣並皆治之

川練子洗炒

陳皮各貳斤

鹽炒壹斤

茴香

去土炒六斤

甘草炒七斤

右為末每服一錢如茶點喫常服溫中益氣利胸膈進飲食

**茴香湯**

治療與前方同

桔梗

焙叁十兩

茴香炒

甘草炒各六兩

白芷

肉桂各貳兩不見火

右為細末每服一錢鹽少許沸湯點食前服常服寬中益氣溫胃

**檀香湯**

治精神不爽頭目昏眩心忪煩躁志意不

定

白芷

川芎各貳兩

檀香叁兩各不見火

桔梗

焙叁十兩

甘草

炒六兩

右為末每服一錢鹽少許沸湯點服常服調中順氣安神定志清爽頭目

**砂湯**

治一切冷氣心腹刺痛胸膈痞悶脇腹脹

滿嘔逆惡心飲食無味脾胃不和酒食多傷嘔吐不止

丁皮

六兩

縮砂

仁各不見火

甘草

各貳兩炒

桔梗

焙六兩

右為細末每服一錢鹽少許沸湯點服食前常服消滯氣寬胸膈健脾胃進飲食止嘔吐

**胡椒湯**

治脾胃受寒胸膈不利心腹疼痛嘔吐惡心常服溫暖脾胃去寒順氣

肉桂不見火

紅豆各壹兩

桔梗焙一兩

胡椒六兩

乾姜焙叁兩

甘草炒七兩

右為細末每服一大錢鹽少許沸湯點服不拘時

**溫脾湯**

治脾胃不快宿醒留滯嘔吐酸水心腹脹痛不思飲食傷冷洩瀉並宜服之

良姜十五兩

茴香炒七兩半

甘草十一兩七錢半

麻油四兩

鹽炒壹斤

右件同炒為細末每服一錢白湯點下常服快氣大解中酒美進飲食

**小理中湯**

治脾胃不和中寒上衝胸膈逆滿心腹疴痛飲酒過多痰逆惡心或時嘔吐心下虛脹膈塞不通飲食減少短氣羸困溫中逐去濕又治腸胃冷濕泄瀉注下水穀不分腹中雷鳴霍亂吐利手足厥冷胎脾心痛逆氣結氣並皆治之

生姜五斤

鹽炒十兩

甘草生用十兩

蒼朮米泔浸五兩



右剉碎同碾淹一宿焙乾碾為細末每服一錢沸湯點空心服

**白梅湯** 治中熱五心煩燥霍亂嘔吐口乾煩渴津液不通

檀香 兩十 鹽 炒十斤 甘草 斤十三

白梅 斤二十九

右件為末每服一錢擦生薑新汲水下如酒後乾噦惡心舌澀如茶喫

**三傳湯** 治脾胃不和胸膈滿悶飲食不化嘔逆惡

心或霍亂嘔吐心腹刺痛腸鳴泄痢水穀不化

草豆蔻仁 兩二 鹽 炒五兩 甘草 兩一

生薑 兩五

右件和勻入磁器內淹一宿焙乾為末沸湯點服

**鐵刷湯** 治胃氣不和心腹疼痛飲酒過度嘔噦惡

心脾疼翻胃內感風寒腸鳴泄瀉婦人血氣刺痛並皆治之

香附子 兩六 桔梗 斤半 良姜

陳皮 各十兩 肉桂 去皮四兩 甘草 斤壹

乾姜 茴香 各半斤

右除肉桂外同炒為細末每服一錢入鹽少許沸

湯點下常服快氣不拘時候

**快湯**

大治脾胃虛冷酒食所傷胸膈不快嘔逆惡心吞酸吐水口淡舌澀不思飲食並宜服之

桔梗

炒參斤

粟米

炒參十兩

鹽

炒壹百貳十錢重

乾姜

炮貳斤半

甘草

炙十兩

右為細末每服一錢沸湯點食前服

重刊太平惠民和劑局方卷之十

正保四年丁亥仲春吉祥

二條通玉屋町村上平乐寺開板